

武英殿聚珍版丛书

九

十

十一

十二

十三

十四

十五

十六

茶山集卷三

宋

曾

幾

撰

七言古詩

春晴

青春挽留渠不住白髮拋去吾安能東風送汝一杯酒
從此閉戶真同僧醪醑芍藥待判斷腰鼓橫笛當施行
奈何但效鶚鳩輩竟日討論陰與晴

王元渤自湖楚歸贈之

南池荷葉疊青錢玉山門外君著鞭南池荷葉成青繖

問君東遊何當返聞道湖州又楚州舊隱故鄉宜款款
清晨剝啄叩我門我不出門非是嬾不知何物苦相干
能令人熱令人寒偶然脫命冰炭裏至今體不勝衣冠
溪流落盡才如帶想見南池空聚塊更無小鴨睡枯荷
況有紅妝依翠蓋眼看物變惜年光明月黃花盍舉觴
知有中秋恐無分須君滿意作重陽

贈閻德夫參議

閻公才氣人無敵列星官曹聲藉藉青雲垂上卻回頭
笑說鄉邦富泉石問君功業男兒事禹重寸陰輕尺璧

及身強健不勉旃汲汲東臯恐非策答云種木須十年
種得成陰已頭白是以江濱五畝園拄杖芒鞋日經畫
卽今臺榭數十處花竹誰能計千百是中便足了一生
頗覺軒裳總無益我聞此語爲驚歎耆境之間真迫窄
案耆境二字不經見攷說文耆老也又至也蓋言已至老境元無三徑可就荒乃知
貧過陶彭澤想君舒嘯東臯上不但淵明心莫逆神交
又得王無功一飯何嘗畱俗客未妨獻納雲臺表著繡
畫行尋履跡會當稱是好林塘門對諸峯一區宅

次鄭侍郎臥聞秋風韻

茶山石燥泉亦枯草樹疊疊成樵蘇天公風雷起揮袂
咳唾急雨紛跳珠我詩曾未管窺豹況有文采如於菟
勤公見索掃地無公自瑤碧瑤華琚

再次蘇字韻

秋風不來眼穿枯颯然而至吾其蘇巾宵起我燈火讀
音節自喜如連珠不知何物披拂此定是嘯谷之於菟
牕前況復雨驟作山溜遶屋鳴瑤琚

三次蘇字韻

陶詩雖瘠元非枯確論近出眉山蘇君詩不贈世作者

以暗投我如投珠鄙人摹寫不成就妄指畫狗爲於菟
安得才似柳刺史好辭玉珮鳴瓊琚

次程伯禹尚書見寄韻

往年書到西風涼病夫隨牒天一方今年書到玉溪上

臞空白露爲清霜人生俯仰成陳迹只有一邱如宿昔

故鄉傑閣公飽山

程所居閣名

野寺幽軒我橫碧

予所寓軒名

石

交曉月長庚星勢交飛絮水上萍往時玉溪二三老死

生貴賤論交情歸來訪舊其誰羨程公筆力猶強健鄭

公霜鬢未成絲挂冠不受見曹勸

鄭顧道也程詩及之

公于道德

猶耕獵所得不隨天下裂胸中具眼世莫知筆端有口
公能說豹文未省一斑窺戲逐羣兒日課詩詩病無人
與商略湔腸浣胃付神醫

次僧道規蜜蜂去而復集韻

公如老殊所嗜蜜種花山中引蜂入千門萬戶芙蓉房
爲公謀食如風狂朝來蜂臣不趨衙一心祝蜂早歸家
歸來喜舞擊銅鉢與人從今莫胡越

吳傅朋出遊絲書求詩

使君官事閒時書略取萬象隨指呼空中遊絲定何物

非蠶所吐仍非蛛光風霽日青春暮惹草縈花細于縷
君今幻出一毫端此祕從來人未覩鈴齋觀者客如雲
有無斷續吁難分不知誰束此毛穎能使字畫纖無倫
嘗聞掃堊生雪白顛草親承擔夫力世間妙處不可傳
心手應時須自得

和劉聖俞顧龍山約客韻

詩筒四出走中涓詩句萬選如青錢曰余借舟期七賢
共嗅梅花咀芳鮮津頭幾度喚長年晝眠乃若經筵邊
舉頭急雪風中旋瞪視不見山之巔八牕玲瓏繡佛前

同來且結西方緣小軒宛若壺中天玉琴不斷雨聲傳
諾君再宿余敢愆從君索句發春妍

肇慶守鄭子禮以李北海石室碑見寄輒次山谷
老人韻爲謝

吾評古法書固自有高下端州遺我石室碑一字千金
恐非價莫邪之劍難爭鋒李公落筆神氣同詩鳴一代
屬山谷草根亦復吟秋蟲

黃嗣深尚書自臨川省其兄嗣文戶部于宜春用
元明魯直唱題李生墨竹梅

紛紛畫手調紅綠好以桃花配叢竹豈無短紙作江梅
雪裏溪邊太幽獨李侯胸中有佳處研滴松煤聊寓目
與梅擇對無可人分付此君真不俗淡煙小雨空濛地
何得月明疎影足始知璀璨出斜枝詩畫古來真一族

東坡梅詩竹間
璀璨出斜枝

探梅

幅巾芒鞋筇竹策踏遍山南與山北雪含欲下不下意
梅帶將開未開色遠樹三匝且復去前村一枝應可摘
丁寧說似水邊人從今日報花消息

許公華遺潘衡墨云其女所造也

潘公之墨東坡訣只今有女能傳業許郎來自大江西
手探元圭出箱篋摩挲熟視家風在款識明明筆奇絕
見渠顏面得渠心湛如瞳子堅如鐵睛牕大几石泓淨
未忍磨研令小缺冷金玉版姑試之一點清光初漏泄
廷珪去人端未遠餘子何勞定優劣健婦果勝大丈夫
從此廬陵是黥歟

款識瞳子冷金玉版
廷珪事皆東坡說也

謝胡帥餉酥

虎頭骨相生來無談天吻燥齋腸枯欲從底處覓膏潤

凝香燕寢烹牛酥鵝兒黃拂冰肌膚關中穰下遠不如
已令炊餅作十字今晨盛饌非伊蒲

謝柳全叔縣丞寄高麗松花

幽人所住空山裏老松皆作蚪龍起但知樹底聽松風
不見風前落松子三韓華萼手自開其間瑣碎如嬰孩
請因賈客詔君長二十餘年無使來

鹽齏酒

辛未歲

吳儂餅麴成村酒所取何嘗議升斗一桮未盡朱顏酡
過若茅柴那得久官酤私釀同一律竟識吾家新醞否

近持方法報山妻入眼從來未曾有舊時菽麥真其父
秣稻麥和以爲母東坡酒子賦米爲母麴爲父甕頭又戴老瓦盆堊
塞四旁如戶牖數朝已辦糟牀注不論清濁皆可口欣
然一笑謂山妻慎勿輕傳殆天授答云妙處須心得縱
有此方無此手請君痛飲當解醒賢哉大勝劉伶婦

蓮榭

郎官一星幾時落乃在水遶山圍間幽亭野約不知數
青鞋庾菜何由閒眼前突兀見蓮榭秋水泠然沼其下
淩波仙子襪生塵露冷風淒微月夜願公清淨如遠公

吾欲投合保社中冰雪肌膚歆翠蓋看花心似太虛空
遊張公洞

張公洞府未著腳向人浪說游荆溪欲看直上翠羽蓋
不惜扶下青雲梯勁風翻動土囊口暗水流出桃花蹊
卻將深處問兒輩一夕飛夢窮攀躋

禽聲

不如歸去東臯上美酒提壺迎婦餉何妨脫袴著新衣
百箔蠶絲繭如盎春泥滑滑未沒腰田間布穀初立苗
牧兒喜舞麥熟也報答爾曹婆餅焦

荷池

名園中有十頃池一錢不用君得之菱荷枯折小鴨睡
絕勝紅妝青蓋時蛙鳴莫作鼓吹想亦莫問屬官與私
讀書之暇招客飲能有此樂非公誰

次折仲古游潯州桂園韻

雞犬圖書同一舸老夫蕩槩兒扶桮潯江一繫欲生根
夢下湖南向江左極知越俗畱連客性不相投如水火
是誰招喚寫羈愁挂頰西山雲數朶雲山下有園五畝
不植側生旁挺果十年執桂待芳辛歲晚風霜深印可

有懷澤畔入騷辭配以蘭椒眞類我斧斤竟不赦孤根
問主林神安所坐乃知有用禍先集社櫟之徒最繁夥
徑須澆下碗磊胸乞取青錢供白墮

爲張四明作

一生所聞張仲蔚閉門蓬蒿深幾尺邇來伐竹聲丁丁
手披榛叢待三益徑中踏破蒼苔色定是幽人芒屨跡
莫將車邊兩輪赤奪此千竿一池碧

時張有四明之命

馮縣丞墨花

君持松煤與研滴慘澹不言生百物胸中自無俗子韻